

Chanchin

**Zoram Kristian Hmasa
Tihduhdahna**

(Zirtirtu Vaikhawla sawi)

MZ
230.0954166
LAL

Mizoram State Library
DG3312



Buatsaih
The Lalhmuil R.A.

**Zoram kristian hmasa
tihduhdalna**
(Zirtirtu Vaikhawla sawi)

Buatsaihtu: Pu Lalhmuaka B.A.
(Retired H/S. Headmaster)



SYNOD PUBLICATION BOARD

**PUBLISHED
BY
THE SYNOD PUBLICATION BOARD
AIZAWL, MIZORAM**

First Published 1985

Copies 3000

(All rights reserved)

MIZORAM STATE LIBRARY
DG - 3312
DDU
Note
Issue

**PRINTED
AT
THE SYNOD PRESS
AIZAWL - 796001
MIZORAM**

A bu chhâng thute.

	Phêk
1. Synod Publication Board Thuchâng	iv
2. Thuhma	v
3. BUNG I- Ziak chhan tlângpui	1
4. BUNG II-NA	4
Zirtirtu Vaikhâwla leh Tihduhdahna	
5. BUNG III-NA	25
Mission hnuiah leh Pathian Rawngbâwina	
6. BUNG IV-NA	37
Mimal chanchin	
7. BUNG V-NA	41
Malsâwmna a dawng	

Mizoram State Library
DG3312



PUBLICATION BOARD THUCHANG

He lehkhabu hi a buatsaihtu Pu Lalhmuaka, (Retired Headmaster) hian Synod Publication Board-ah a rawn theh lüt ~~hluuh~~ va. Ngun taka en a nih hnu-in, a buatsaihtu ~~nēna~~, ~~inberawn~~, ~~zēlin~~ chhuah tūra buatsaih a ni ta a.

Kan ram Kristianna hi la naupang hle mah se, thil hlui chhinchhiahna i lehkhabu kan nei tha lo hle mai a. He lehkha hian ram puma thil thlengte fūn kim sēng lo mah se, engemaw chenah Kristian hun tīma kan awm dān min briattstu atān ḥangkai thei ngei tūra rin a ni a. Chuachhapah ringtu hmasate harsatna tawh dān kan hriat hi ḥangtharte ḥanpuitu a nih ngei beisei a ni bawk a. Chutiang rilru chuan he lehkhabu hi chhuah a lo ni ta a ni.

A ziak' dān kalmang hi hriat fiah harsa deuh blek lai te a awm a, kualkhung (bracket) chhūngā ziak hi smah Pu Lalhmuaka a nih ziah chhinchhiah nān— Ziaktu, tih a ni a. A bu tāwp lama Vānphunga chan-chin leh bung V-na hi Pu Lalhmuaka ziak bīk a ni e.

Upa C. Sāngzuala
Editor

Upa C. Lalhmingthanga
Publisher

THUHMA

He lehhabu hi zirtirtu Vaikhâwla Hriatrengna atâna ziak a ni a: Amah hian 1942 khân lehhabu, ROBAWM tia a vuah a ziak a: tah chuan sikul lama a thawhna lam, tlêm tal pawh a ziak lang lo chu, mak ka ti hle a. Zoram puma thingtlâng zirtirtu hlawhtling berte zîngah a telin ka hre si a: tichuan, Pastor upa deuh mai hi ka zâwt ta chawt a. Ani chuan, "Anni kha, an awmna khuaah Kohhran dîntu an ni a; an sikul aiin an Kohhran dîn kha an vei zâwk alâwm," a ti thèn mai a. A dik âwm hle e

Robâwma thu ziak hian, ringtu hmasate nun dân leh awm dân a hril chiang hle a; chu bâkah chuan, Zoram puma ringtute tihduhdahna ropui ber chanchin ziakna a lo ni bawk a. Tichuan, Zorama ringtute hriat ve atân he lehhabu hi ka buatsaih ta a ni.

Synod Publication Board-in min chhutsak hi ka láwm tak zet a ni.

Lalhmuaka

BUNG 1—NA

Ziak chhan tlangpui

Zoram Kristian ram

Zoram Kohhran Jubili khân, Missionary hmasa pathumte hriatrengna lung phun hialin, insershna inkhâwm neih a ni. Chutah chuan, Pu Mena (Rev. E.L. Mendus) chuan, "He hmun tê tak têah hian, Lal Isua Chanchin Tha hrilhna jan a ni a: Tûnah chuan, kil tin a dêng chhuak ta; Zoram makna chu hei hi a ni Zoram pâwnah, chhak lamah, thlang lamah, chhim lamah, hmâr lamah, va kal teh u, tah te chuan Kristian in hmu zêl ang. Chuvâng chuan, hemi hmun hi, hmun thianghlim a ni e," a ti.

1941 Chhiarpuiah chuan, Zoram mihring 152,786-ah Kristian 98,108 an ni; chu chu zaah 65.97 (65.97%) tihna a ni. 1950-ah chuan, Zoram hi kristian ram a lo ni tak tak ta, 1951 Chhiarpuiah chuan, mihring 196,202-ah kristian 157,515 a lo ni ta; chu chu, zaah 80.31 (80.31%) tihna a ni. He chhiarpui-ah hian, inchhiarna lehkha (Documents) endiktu pâwl khatah ka tel ve a: Seleng, Tlângnuam leh Bâktawng vêl khua mihring 5,000 zet hming ziakna, etc. kan en dik a (chutih lai chuan, ram pâwn lam mi, pakhat mah an awm lo). Hetah hian, kristian lo chu pathum (3) chiah an awm; pathum zînga naupang ber chu kum 75 mi a ni. "Zoram chu kristian ram," a ni tih theih ngei a ni tawh a nih chu.

1951 chu, Missionary hmasa ber Pu Buanga leh pu Sâpupa Aizawl an lo luh atangin kum 58-na a ni a; Pu Sâphluia, Chanchin Tha hrila, thingtlâng

2 ZORAM KRISTIAN HMASA TIHDUHDAHNA

khuaa a zinna hmasa ber aṭangin kum 53 vēl a ni. Mizo, Chanchin Tha hril tūra an zin chhuah hmasak ber aṭangin, kum 50 vel a ni e. Kum 50 āwrh chhūṅga, Zoram chhūṅga, zofa hnāhthlāk zawng zawng deuhthaw Kristian an lo ni ta mai hi; a chhan chu hēngte hi an ni ngei ang e.

1) Lal Isuan, tuifinriat râl aṭangin, Ama thlan chhuah ngeite a rawn tirh luh vāng a ni. Khasite chuan, "Mizo zawng, in vānnei êm mai, Missionary tha tak tak leh Doctor thiam tak leh tha tak in nei thin a," (Dâwrpui Pastor Thanga sawi) an ti.

2) Kohhran Harhna ḥhuang li te kha 1906, 1913. 1919, leh 1933 an ni. 1919 Harhna hi chuan, Zofa hnāhthlāk awmna zawng zawng a dēng chhuak kim vek a ni.

3) Khaw hrang hranga kohhran dintute rinawmna leh thawnha avāng. Hēng mite hi, khatih laia Lal leh upate chuan, 'Mi tling lo,' tia an deu sawhte an ni hlawm a; Mahse Lal Isua an rinna chu, sakawr peh phawn zawk loh hnīm ang tluta nghet a ni thung. Hēng mite hi, kei chuan, 'Lal Isua **LONE RANGER-a** te,' ka ti mai a ni.

4) Thingtlāṅg zirtirtu hmasate kha an ni leh a. Dr. Fraser M.D. khān, tlangvâl, puanthuah khai, 83 a chāwm a; an zinga ḥahnem takte chu, thingtlāṅg khuaa zirtirtute an ni ta hlawm a; an awmna khuah chuan, Kohhran phuntu an ni zel a ni. Hēng kohhran dintu zirtirtute hi, Assembly (tūn lai **SYNOD**) pāwñia, kohhran Upa nihna a pēk kha. Zoram zir-

na lam ka ngaihtuah lai chuan, Pastor pension, upa tak bulah hian, 'A pawi hle mai, zirtirtu hm̄asate khān, an sikul chanchin chhinchhiahna an lo nei hlawm lo a,' ka ti a. Ani chuan, 'An sikul enkawla, na aiin, an kohhran din enkawinaah an inpek zawk vāng zāwk a ni e,' tiin min chhāng ta thēn mai a. A dik viauin ka ring ta u ni.

Zirtirtu Vaikhawla hi an zinga mi a ni ve a. He lehkhabuah hian ama chanchin a tam ber dāwn a ni. Lal Isua rawng a bāwlna te, Amah a rinna te, Ama tāna a inpekna leh a 'testimony' te hi, mite hrith ve chi niin ka ring a; a sikul hna leh thil dangte pawh telh a ni bawk. Ani hian, thu tlēmtc a ziak a, ROBAWM a vuah. Ka ziak tam berte chu hemia mite hi an ni a; tin, ama kā leh ka Ni, Lalchhawni (Vaikhāwla u) kā ka hriatte pawh ka hmang bawk a; chūng chu thu belh ka ti a, a dang lehte chu, ka hriatnate hm̄ing tihlan zēl a ni ang, hēng bākah hian a kaihhnawih dangte pawh telh nual a ni ang.

LONE RANGER hrilhfiahna

Tūn lai thanghar, naupang te, sāptawng sikula zirte tān chuan hrilhfiah ngai lovin an hre thiam a; LEGEND (Pu Chhūra thu) ang hiala, RANGER hotte sawi a lo nih theihna, sāp chanchinbu, READER'S DIGEST-a ka chhiar, ka sawi mai dāwn a ni. Anni hi, America khawthlang lama, thlalēr ram hlawhawm, rukru rual leh suamhmang rual leh RED INDIAN-ho awmna ram kal tlanga pēmte hruaitu leh vēngtu an ni; tanpui ngai, mangang ngenna chhāngtute an ni bawk. Khaw pakhat chu, mi sual rual,

4 ZORAM KRISTIAN HMASA TIHDUHDAHNA

mi tha thah pawisa miah loho hian an awp bet tlat mai a; Tichuan, RANGER-ho puihna an dil ta a. 'Ap turain, an thahnem si a, pali, panga vēl in rawn tish loh chuan, mi pahnih, khat han beih mi an ni lo e,' tiin lekhka an thawn a. Ranger-ho dānah chuan, mi pakhat aia tam, hmun khat bei türin an tir ngai si lo a, pakhat chauh an tir ta a. Chawlhkār khat pawh a ral hmain, a phin darh ta vek mai a; athen a kāp hlum a, athen a man bawk a; chu chu thawn-thu (legend) anga an chanchin an sawi tan tākna a ni e, an ti. Zoram thingtlāng khuaa, Kohhran ditute hi, mahni chauha, thim lal kuhbeitute an ni; an thiak thei zel bawk; chuvāng chuan, 'lone ranger' an ni e.

BUNG II NA

Zirtirtu Vaikhawla (1886-1956) leh tihduhdahna

Thawsung chanchin

A pa hming chu Laizavunga a ni; an thlahtute a chhuinaah chuan palina (4-na) a ni. An pi pu atāng, lal upa, mualkil, an ni fo thīn a: Laia hian fāpathum a nei, Lalthāwma, Lalchhāwni leh Vaikhāwla. An pa hi fapa mal, pianpui dang nei miah lo a ni a; Chuvāng chuan, a pa Dārkhwliana chuan, "Kei pawh fapa mal ka lo ni tawh a. Ka fapa hi a mal em a, a unau atān, mi ka zawnsak teh ang," a ti a; tichuan fahrah, Kāwla leh a pi, a inah a la lūt a,

fa angin a awmpui ta a. Kâwla chu a lo puitlinjñ, Kâwlhniara sal, nula Rotuahi nupuiah a neihsak; a indantir ta a. Kâwla fa upa ber chu, Khawzathanga a ni; ani hming hi a lang ve fo ang. Laia chuan unau tha tak a nei ta a ni. Kâwlhniara hian, sal man dang, Leire mi, mi huaisen hmiringthang tak lo ni ta, Thatpu a nei a; Rotuahi chu, Thatpu a nuja ang a lo ni ta a ni; tin, Kâwlhniara hi Pâwih a nih avângin, Pâwih chhung Ich khat an siam a ni ta bawk; huaisen hmingthang Thatburha hi. Thatpu a fapa a ni.

Robâwm buin a sawi dân chuan, Dârlawng tiâng dunga, Buangtheua khuaa kan awm laiin, ka pa chu a thi ta a; chu chu, khawthlang vai kah lai a ni a; kei chu kum thum mi lek ka ni a. Ka pa thi tûr chuan, 'Laichin dang narân belh chu a tha lo ang a, ka u, Kâwla kha a zaidam a, lo pan ula, a tha ber ang e,' tiin thu min hnutchhiah a. Ka u, Lalthâwma hi kum 14 vêl mi chauh a la ni. Kan chanchin an hriat veleh Khawzathanga chuan min va hruai ta thuai a. Kan lal chuan kan ro zawng zawng, Thihna te, leh thil dangte min lâksak vek, kan Silai tha nêñ; tichuan kut rualin min va hruai ta a ni. Hmân lai lalte hian, bâwih fa lo pawh, an mi tha chawimawi te chu, an sum hetiang ni khuaah hi chuan an la mai mai rêng thin a ni. Kan ro min lâksak zawng zawng chu se sâwm hu a ni ang. Pawibawia khua, Khawruhlanali chhûl khat chhuak ang chiahin, kau awmho ta a. Kâwla hian Khawzathanga chauh fapa a nei a; ani chuan fa u ber chan a chang a. A nupui, Tiânghauhi chu, nu ngilnei, rilru nei tak a ni a,

6 ZORAM KRISTIAN HMASA TIHDUHDAHNA

Kéiní fahrah unau thum chungah, sawisélna tür kan nei lo; kan vânici ngawt mai. Khawruhlianah hian koff Hünin miñ hál darh (1892 thâl lai) thlengin kan awm a. Vánphunga indanna, Rawkawnah kan lüt kh a; hemi atang hian, Vánphunga khua kan ni ta reng a ni.

Chanchia Tha engin a rawn chhun tan

Kum 1897 lamah chuan SIHFA-ah kan insawn Heta kan awm lai hian, mi pakhat Vawmkaia'n a, aw, b, a rawn hâwn a, a Aizâwl zinin; chu chu Zawlbukah, tiengvâlin an zir thîn a; an zingah chuan ka, tel ve thîn a. (Thubelh, 1928 khân pa upa tâwk tek, Saithuama chuan, "Sihfa awm laiin, tiengvâlin, a, aw, b, kan zir thîn a, zawlbuk chhuatah; i pa hi naupang a ni a, kar tluk hauh lo thîn nia," a ti a. Así hi, Changzâwla Kristiante vêng hranga awmho hotu a ni). Kum 1900 kum hian, sawrkar kum chhiax dán leh, Pathian thu kan man thiam ta a ni. 1904-ah chuan Khandaih kan zuan a, kristian nun dâng awm tâlh ka tum zêl a; mahse, tihpui tür an awm loh avângin, rilrua lâwmna mai lo chu, thil dâng a tih theih chuang lo. Kí chhüigte chuan min la thawi lui reng tho.

Pathian min fán dan

Aizâwla ka kal theih hma dâih, 1898 khân, Sihfa Zawlbukah, upaño thu khâwm hian, "Zosâp Pathian hñi hi kan hriat chhuah vek chuan, ára inthawi ai chuan a tha zawk a, fuliafa meuhâ inthawi chu a tluk awm lo e," an tih hi ka hria a. Chuti a nih him chuan, ár mah hekin, ka zir ang e, ka ti rilru

ta tlat a; ka hriat thiam phei chuan a ṭha ngei ang a, kawng awksam zāwk zuk nia tiin. Pathian hla ngaihsakna rilru ka nei ta rān a ni. Tin, 1895 faw-vāng awllēn laiin, ka u, Lalthāwma, (chu chu Saitual phūla kan awm lai a ni) Pu Buangate hnēnah a zuk inhlawhfa a, 'Isua vānah a awm a, Khawvēlah zuk lo kal a,' tih hla hi a rawn hre chhuak vek a; ka zir a, ka sa fo tawh rēng a ni.

Sihfa khaw pawimawhna

Hetih hun lai Zoramah chuan Sihfa khua hi, thil intanna bul ber a ni rēng a; hēng angte hi:

(1) Pathian thu chhuahna a ni a; (2) a, aw, b, zir ṭanna a ni a; (3) Vai ṭawng zirna ngaihtuah ṭanna a ni bawk; (4) Zoram pum Chhiarpui hmasa ber, 1901, neihna a ni Ich. (He chhiarpuiah hian, kristian zawng zawng 45 an ni a; ziak leh chhiar thiam tawhte chu, an zain 761 an ni tawh). Kei pawh ziak leh chhiar ka thiam tawh a, number pawh 1,000 tleng ka hre thiam tawh bawk. Khawchhiartu, Saikhama ka zui a, hma mi tisāwn hle bawk; khāwlchhut lehkha a la awm rih lo. Hemi hnu lawk hian mi pakhat, Bâwihpâwngan khāwlchhut Thuinchhāng Bu hi a chhiar a; ngun takin ka lo en ve reng a, "Shawi shel suh u," tih hi a han chhiar a; s, h, aw, i, e, u,-te hi ngaihruatnain ka man thei nghâl a. Khāwlchhut hawrawp ka hre chhuak a ni nghâl ta a. Muang takin, zawi tê tēin ka chhiar thei ve ta zēl a ni; a hranpain ka zir lo.

Pathian thu ka ngaihvem tan

Hēng lai vēl hian, Pathian thu chu ka ngaihtuah rēng a; chawlhn (Pathianni) a awm tih chu kan hria

8 ZORAM KRISTIAN HMASA TIHDUHDAHNA

a. Hemi ni chauh hi sipai hovin rawsawt lâk niah
an hmang tñin a, chuvâng chuan, 'rawtsawt lâk ni'
tih a ni rong zâwk ñhin. Vawi khat chu, Chhuan-
bâwiha nuten inthawi nân tuikhur tui la tûrin min
tîr a; ka kal ta a, daifim hi dawl hnahn ka khawn-
khâwm a; tin, daifim tuiah chuan kawtlaia lung te
mûm mâm deuh deuh pathum ka thlâk lüt a; ka pe
ta a, inthawina atân chuan an hmang ta a. Ka ril-
ruin ka chhinchhiah tlat a, tuikhur tui a ni si lova,
'ka ti rilru a; an dam ta tho mai si, inthawi rin loh
phah nân ka hmang ta tlat a. Pathian ni bi chhin-
chhiaha, serh zêl tûr a nih kan la hre rih lo. Zawl-
buk kil khata a sawia sawi mai mai hi ka tih theih
leh hriat tâwk a la ni rih chauh.

"Thubeth :

Ka nî, Lalchhâwni chuan heti hian a sawi, "Sihfa
awm laiin, kan lo vauah hian sih tha fê hi a awm
a; kei chu hlo thlawh laiin khawsikin ka na a; Vai-
khâwla hi naupang fel rân, dam thei mang lo a ni
a. Ka nâ chu min riahpui ñhin a, chhuat laiah amah-
in a mu a. Ka nâ lha ka harh meuh lo ñhin ni
tûr a ni; mei a thim veleh hian kan lo vaua sih huai,
ramhuaiho hi kan chhuatah khân an lo lâm lüt ñham
ñham hian ka hmu ta ñhin a, 'Vaikhâwl, tho thuai
rawh, kha, ramhuaiho chhuatah an lo lâm luh ñham
ñham kha,' tiin ka au tho ñhin a. Ani lah chuan,
'I ninawm tcivet e,' min tih khum mai ñhin a; eng-
ahmah a ngai lo thei tawh tlat zuôk nia. 'A nâtupan
hai atang rëngin tamhuai hlaufina a nei nêp hie a ni
e,'" a ti !

Hmâsawna kawng a hawng hret :

Kum 1901 Khandaih kan zâwn kum khân, Aizâwla awm ɻhin, Hrânga a lo hâwng hlauh mai a; Pathian lekhhabu- Luka, Johana leh Tirkohte fin-khâwm a han khâwn a; tin, Pathian ni chhiar dân a han hre bawk a; kan bei dûn ta a ni. Pathian thu chhiara ɻawngtaihonate kan nei ta zeuh zeuh bawk. Mahse, thinlungah inthawi pahthlâkna hlauh rilru nghet chiah chu kan la nei meuh lo a ni e. Kan chhûngte n min la thawi lui so ɻhin. 1901 kum bul lamah, Tv. Thanga (Aw Lalpa chungnung ber kan fak hle a chetih phuahtu) ten min rawn tlawh hlauh mai a (Hei hi, Zofate ngei Chanchin Tha hrila, zin chhuah tum hnighna a ni; tlangvâl 6, pahnih zêla inkawpin, ɻhuang thumin, Aizâwl aṭangin an zin chhuak a nih kha--Ziaktu). Fuihna ɻha tak tak, hriat reng chi an sawi a, hêng ang te hi, "Tûnah hian naupang in la ni a, in chhûngten thawi lui che u mah sela in thinlungah a luh loh chuan, ramhuai tân engmah a sâwt lo vang, an insêng thlawn mai a ni zâwk e. In tlangvâl hunah, in taksa leh in thinlung a lo puitling ang a, chumi hunah chuan in chhûngten an tilui thei tawh lo vang che u," tih te hi a ni.

Pu Saphluia a lo zin :

Kum 1902 Fawvâng dâwnin, Pu Saphluia a lo zin ve. Kan bâwr ve hle mai, a hnêna lekhha zir tûra min hruai a tum a; mahse ka pain a phal loh avângin ka zui tî lo a; Hrânga erawh chu a hruai thla leh ta a. Thla khat ral hnuin ka pa chuan ka kal a phal hnuhnawh leh ta a. Kêl khâlin min

10 ZORAM KRISTIAN HMASA TIHDUHDAHNA

thawi zet a, ka nu nêñ Aizâwl panin kan kal ta a. Aizâwl kan thlen chuan, Hrânga khân, la naupang lu deuhin min ngai a. "Inrinni hian tlangvâlin hñá an thawk ñhîn a, naupangin puan an su nilêng ñhîn a; naupang zual deuh tân chuan a hrehawm lutuk a; hâwng leh ta phawt ula, kum dangah lo kal leh zâwk rawh u," a ti a, kan hâwng leh ta a.

'Sikul kan nei ta :

Kum 1903 March thlaah Hrânga kha, Primary pâwh pass lovin, kan khaw zirtîrtu-ah a lo chhuak ta' hlauh mai a; Zoram pumah thingtlângä sikul nghet ding hmasa ber a ni. Ka zir ve nghâl a, Chhiarkawpah ka zir ñan. Puntîr ka zir laiin, ka u-te leh kan lal Vânphungate chuan, kuli âwl hi a thât êm avângin, khawchhiarah min hmang ta a; thingnawi fawm chungin, khawchhiar hna ka thawk ta a; chu chu 1904 kum bul lam a ni. Chûng laia min bialtu Rahsite chu, Liannawna, Chawngkunga, leh Chawngbawnga an ni.

Hersatna te :

"Hêng Rahsite leh kan chhûngte an ñangrua a, Pathian thuâwihi min bântîr an tum nasa mai a. "Pathian thu i âwihi chuan khawchhiarah i ñang thei lo ang," tuñ añ ñangrua a; min vuakte an han tum ut ut bawk ñhîn. Khawchhiar hnaah chuan ka tlâk lohna, au dap nasa hle mai a; min dap ngun lutuk aliciah, mi fakna ñahnem tak an hmu chhuak ta zâwk hlauh mai a. Ka chhûngte chu Pathian thu hrilh phêt ka tuñ ñhîn a; Pathian thu ngawta ka sawi ñan chuan inhrialna leh inhauhna na fê a tli g

zef thin; Pathian thu sawi kha an haw tlat a. Ti-chuan thiam thil hian ka bei thin; sawrkâr lam leh Sapho chanchin, mihring thu niâwm takin ka sawi thin a; dân leh hmang châng hriatna lamah ka thu an âwih hrat hrat thei ta zawk a; Kristian an nih hmâ pawhin, he lamah hi chuan ka hruai thui viau a; dam lo enkawl chungchângah phei chuan min zâwm hle a, mi dangte hnênah pawh an sawi ve thin; chu chu Khandaih Hripui lén laia thu ziakin a hrilh-fiah ang.

Tin, hêng lai vêk hian, ka u, Lalthâwma chuan, kan pa Kâwla chu, diar țialtir a tum ruh khawp mai a; Kâwl ramahte a han zin a; sedawi a chhun a. Diar tialna tûr chuan, sechal lôh kôlchal a lei hawk; mahse, a tum angin thil a kal thei ta lo; November 1905-ah chuan, Tuihripuiin kan khua a ûm darh ta mai; ramhnuaih lôh lo lamah kan tlân bo zo ta vek a! kum thar February thla tâwp thiengin kan awm darh ta rih a ni.

Hripui vei lai bun :

Ka sawi tâk ang khân, kan tlân darh ta vek a; Aizâwl ațangin vai doctor pawh rawn tirh a ni. A reh lama ka khawchhiar report chuan heti hian ka ziak. Mi 60 an thi a, thilt tam ber niün ruang 10 (sâwm) a chhuak. Vai doctor lo kalte damdawi kenin a daih si lo va; Khawmhmate an pe thin a; tin, in vawn fai leh ei lam simkhur an sawi uar hle mai. Chu, lama' chuan, keini chhüng chu kan lo inzirtir tawh th n avâng'i, ka thusawi thin an rawn nömngħet a ni. Keini chhüng chu a tuar nêp ber kan ni a,

12 ZORAM KRISTIAN HMASA TIHDUHDAHNA

kan pa Kâwla kum 77 mi chauh chânin, kan tuar chhuak ta a. Kan pa phûmtute chu, an inbuaj hma chuan, in chhûnga an luh ka phal lo a; ka ute pahnjh, hawzathanga leh Lalthâwma chuan, fanu pahnih ve ve an nei tawh a; tlaí lamah chuan, an inbuaj hma chuan, an fate an pawm ka phal lo bawk ñhin. Kan silhsen leh mut puan zawng zawng vau tuikhawhthlaah kan sufai vek bawk; he lampangah chuan ka chhûngte chu hruai an harsa lo hle mai.

Pathian thu lam :

Hri a kian hma zawng chu, lo lamah kan thang bo ta a, Pathian ni serh leh inkhâwmte pawh ngaih-tuah hleih theih a ni ta lo. Hetia ramhnuiaia ka awm chhûng hian, chawlñi serh thu chu ka hre reng ñhin. Thurualpui tûr an awm hauh loh avângin chawlñai-in buhte ka seng a, buh ka chhék bawk ñhin. Ka chhûngte chuan, "A Pathianni hi a hloh ta nge maw ni, bân mai a tum ta zâwk aw" an ti nak nak ñhin a. Ka thil lâk dân leh ngaih dân ka han hrilh chuan, "I la ât luat vak loh hi; inkhâwm lova kut kuang-kuaha ñhut reng ai chuan, buh lâk nachângte i la hriat hi," an ti a.

Harkaa thien hmaa thil le awste :

Hêng pathumte hi chhinchhiah tlâk niün ka hria; a hun indawt angin sawi ila:

(1) 1905 fur laiin, ka u Lalchawni tuihriin a dam lo va; keini chu ramriakin hna kan thawk a, zualkoin min rawn ko ta a; chung zualko chuan, "A biak theih tawh lo ve," an ti mai si a. Zualkoin

chutianga thu an thlen chuan, 'A thi ta' tihna ang chiah a ni si a. Tichuan, tap chungin ṭawngtai reng chung bawkin ka hâwng ta a. Chutia kalna kawng pawh en tha thei mang lova ka kal lai chuanin, RINNA mak tak mai, ka rilruah a lo lût ta thut mai, ka u chu thi tawh mah se, 'Ka u,' tia ka koh chuan, min chhâng ngei dâwn tih hriatna hi a ni. Kristian ni lova a thih ka phal lo va, Pathian ka dilna chu, a tak taka chhânnna a lo ni reng zâwk mai. In ka thlen chuan, ka'n ko a, min chhâng ta mai le! Hemi Ɂuma keimaha ka hâwng hi, Pathian ka ngaih ber Ɂum hnih zînga Ɂum khat niin ka hria.

(2) Harhnapui lo thlen hma lawk hian, mumang mak se ka nei a. Kan sikulah hian, dârthlalang ûm (glass ûm) lehkhatui bûr (inkpot) ang deuh tak a lo inhûng chhâwng thluah mai a; ennawm ennaa Ɂutna (galleries) inrem chho chhâwng thluah ang hi a ni; a sim vâr pup vek mai a. Chung ûmte chu, Babu Thanga (Aw Lalpa, Chungnungber, kan fak hlc a che tih hla phuahtu) khuan Pathian thu a lo hrîlh piap piap mai a. Kan hlim lai chuan, a lo zin tak tak a, chutia Hlimnain mi rilru a hawn lai tak kha a lo ni bawk a, Pathian thu a hrîlh ta mawlh mawlh mai le. (Hetiang mumang mak tak, a tak tak lo hmu lawk hi, khawvél chanchinah a tam mai. Reader's Digest hian chutiang mumang chu a chhuah tawh a; a chhuah tawh, 'Hetiang mumang hi, Scientist-ten engtinne an hrîhfiah dâwn? Kei chuan, mihringah hian hun (time) leh inkârhlatna (distance)-in thu a neih phâk loh, NIHNA engemaw Pathianin a dah niin ka ring a,' a ti—Ziaktu.)

(3) Khaw thar kai, qâlzuau kan ni a (Changzâwlah), ramah kan riak reng tñin. Mangkhâwng kan theu a; chu chu Inrinnlin kan zo, ni a tla chiah tihin. Ka ute hnénah hawn ka dñl a, min hau nek a, ka hawn an phal ta nge 'nge a. Zâna hawng ka nih avângin ramhnuajah chuan khua chu a thim ta êm êm mai a. Meichher tur mau ro ka keng lawk a, tichuan meichher chu kan buatsaih ta a. Ka meitalh bâwm ka la chhuak a, meibu chu talh khat chauh daih hi a lo ni reng mai a, Ka'n talh a, a mût zo ta thuai a, engmah chhit kaina turin, tih hman pawh a ni ta lo; ka âr khawthim dai ta a. Thanglailung atangin Khandaih tlengin thim hnuajah ka·kal ta chat chat mai a. (Mêl li vêl lai a ni ang- Ziaktu) Mahse, Lal Isua nêñ kan kal'dûn ta tlat mai le, chuti taka hlimna leh lâwmna chu ka la tawk ngai lo. Pathian ka ngaih berha pakhat chu he kawng hi a ni leh, Lënglën qhutmuau vêl (zân dâr 8 vêl)-ah in ka tleng. Ka chhungte chuan, 'Thiarau Thiaghlim a tleng a, i thiante chu aw chhang hluiia an zai asin,' an lo ti a. Chutih lai chuan Sikulah kan riak tñin.

(Ka pain hun danga mi hrilh dän chuan—"Riakin lo kan vât a; Inrinni a lo ni a, hawn ngei ka tum a; chu chu hriain, ni tlâk hnu, khawthim that that tlengin lo chu min vahpu ta tlat mai a; bân loh theih loh a nihin kan bâng a, kei chu haw tumin' ka kal ta nghâl a. Khayzathanga chuan Lalthâwma a rawn tir a, ani chuaa talhsiaokin, mi han vaw thak thak a, mahse, hawn ka tum êm avâng chuan min kalsan leh ta" a ti—Ziaktu).

Harbaa pui a thleng ta :

Thuhmahruai sawi a tûl ang. Rev. Saiaithanga'n Mizo Kohhran Chanchin Bu-a a ziak dân chuan, hlim lâmna tak tak chu, April ni 9 zîng lamah niin a sawi. Tin, Rev. Zathanga kaa ka hriat dân nêñ pawh a inang; ani hian heti hian a sawi. "Aizâwla kan lüt tûr chu, Châtlâng mêt hniih dinna bula, khang hlima ɏawngtai chu engemaw chu kan ti deuh sulh vek chauh a ni a; kan hâwng tûr min thlah chu kan hlim êm êm mai a; a chhan chu, Kohhran diu mumalna fel deuh a la awm loh vâng a nuñ an sawi. (Mahse, Khandaihah a thleng tlat mai a ni - Ziaktu).

A chunga sawi ang khian ka riahna chu sikul a ni. Lénglén vêla in ka thleng kha chaw kan ei zawh chuan sikul lam ka pan ta; hlim takin an lo zai a, ka luh veleh min lo pawm a, min zuanpui ta dâwrh dâwrh mai a, zai zawh chuan thuin tui takin kan inkâwm ta zêl a, rei fe kan meng. A tûk Chawlhni zînga kan han inkhâwm chu an hlim ta êm êm mai a. Kei chu kil khatah ka ding tlawn ta reng mai a; ka hril a hai êm êm mai. Ka sual bik êm vânga chang ve thei ta lo niin ka inngai ta tlat mai a. Daipâwnah ka tlân a, ka va ɏawngtai a, ka lo kîr leh a, ka la chang ve thei ta lo fo mai a; ka mang a ang hle mai; daipâwnah bawk ɏawngtaiñ ka tlân bo leh a; hetiang hian rei fe ka ti a; mi hriat ve mang lovin ka buai hle mai. Ni rei vak loah chuan ka hlim ve ta êm êm mai.

April thla tâwp lamah chuan, sangha tlângvuak an rawt ta a; tichuan, Tuvai vaw tûrin kan thawk ta a. Sangha dap ni chu Chawlhni a ni tlat mai a,

Kristiante chuan sangha dap ve lovin inkhâwmna an nei ta a, an zai hlim ta êm êm mai a; sangha dap lai mi ḥahnem fe chu, chutia lâm ta map map mai chu en tûrin an inkhâwmna hmunah chuan an lo kal hlawm a, chûngte chu hlimna chuan a man a, su ve ta dâwrh dâwrh te an awm ta nual mai. Khuaa inkhâwmnaah pawh en tûra lo kal a man tâk an awm nual bawk. Pakhat chauh sawi ila. Chawlhnî zînga kan inkhâwm chu kan hlim êm avângin chaw chhûn ei hunah pawh bân nachâng kan hre ta lo va, chhûn chaw ei tûrin an chhûngte an rawn lam hlawm a. Kâpkûngi chuan an pa Khamêka a rawn ko a, in-chhûng a lo lüt chu hlimna chuan a man ta tlat mai a, nau paw chungin a su ve ta dâwrh dâwrh mai (Hemi te nupa hi, Shillong Governor Driver Pu Kâpkima pu leh pi an ni). Hetiang sawi tûr hi a awm nual.

Tihduhdah a tan dawn ta :

He harhna lo thlen hma hian Kristian chu sâwm (10) pawh kan tling meuh lo. Mahse rei lo têah 100 (za) kan tling ta thuai mai. May thla hian Zosâp a lo zina (hei hi Pu Sâpthara ni âwm tak a ni – Ziaktu). Mi 30-in Zawlbûkah baptisma kan chang. Kei chu an zîngah a naupang ber ka ni a, mahse, a hruaitu berah ka tang. Chutia Kristian kan lo pun ḥahnem tâk êm avâng chuan lal leh khawtlâng hotute mit tikhamtu leh an vci tham kan lo tling ta a. A chhan lian deuh deuhte chu hêngtc hi an ni :– (1) Chawlhnia hna thawh duh loh vâng. (2) Zu in ve duh loh

vâng: zu hmun hlimhlawpah tel ve theih ni ta nghâl lo. (3) Thu khat vuaa inpâwl khâwmna neih þin vâng- an tel ve theih lohna a ni a, an er ta a ni. (4) Hetiang inhlâwm khâwm hi chutsh lai Sailo lal-na leh thuneihna chuan a pawm zam mai thei lo. Tichuan phin darh duhna a lo thleng ta a ni.

A tan tîrh dan :

Ni khat chu kan lai Vânphungan Zâwngin lai Lalzika ko tûrin tlangvâl tîrh tûr a zawng a, hnathawh þûl lai a nih tawh avângin lo lamah mi an sef bo duak si a, tîrh tûr a hmu zo ta lo a. Chaléka nêñ kal tûrin kan inpe a, an koh duhna chhan Kristiante min hrilh ve si lo va, a chhan dik tak hre lovin kan kal ta a. Kan va thlen chuan Lalzika chuan, "Eng thu nge in rawn ken?" min lo ti a. Keini chuan, "Eng thu dang mah min chah lo a; kan ngai tawh êm a, lo zin teh se, tih mai loh chu," kan ti a. Lalzika chuan, "Nangmahni Kristianho hrem tûrin min duh a nih chu. Nangni pahnih pawh, tûnah hian bâng nghâl mai ula, zû i inho ang u," a ti a. Dumpaua chuan min hnûk nghâl ta mai a, kan inhnûk rei hle mai; lalin, "Thlah tawh rawh," a tih hma chu kan inhnûk a ni.

Zânah chuan, Zâwlbûkah Pathian thu ka hril a; kil khatah, Chalékan, "A lo kalin, a lo kalin..." tih hla hi a lo zirtir ve tlat tlat bawk a. Lalzika chu talhfiak nêñ a lo zuang lüt ta thut mai a; an tlanchhe fai ta vek mai a. Keini pahnih leh patblawi

pakhat chauh kan tlânc'hhe ve lo. "In duh leh dai-pâwnah va sawi rawh u," min tia, a kal leh ta thuai a. Kawtchhuah lungdawha kal khâwm tûrin mi te chu kan sâwm ta a; an lo kal ɬeuh mai. An zîngah chuan, Pastor Liangkhaia te, Pastor Kâplunga te, Zirtirtu Chîna te leh Zirtirtu Hnûna te an tel. A tûkah chuan, Lalzika leh a hote nêñ chuan kan khaw lam panin kan kal tlâng ta a. Zâna kan han inkhâwm chu. Lalzika leh lal upa Suakbawnga Pawih, an lo lût ve a. Keini chu sikula kan len loh avângin, a tual zâwlah kan inkhâwm ɬhîn a ni; anni hi arûka, mi hnung lama nam thut hi an ching riau ɬhîn; ti-chuan TIHDUHDAHNA a intan a ni ta. Hetih lai hian tleirâwl ka ni.

An tibduhdah dan :

Kan lal Vânphunga chuan Kristiante brem tûrin a unaute a chah khâwm a lo ni reng mai a. Hêng angte hi an tih dân chu a ni.

(1) Kristian awmna chhûngkua chu lal leh an ɬhui-hruaite a thlentir zêl a. Zu leh sa lei nân Rs. 5/- a sêntir zêl. (Hetih lai hian vawkpa sôm nga, tûn lai Rs. 1,200/- man ang hi Rs. 5/- a ni; tin, zu bêl khat hi, chutih lai chuan siki, tûna Rs. 25/- a ni). Mi chhia tangka pakhat mah nei lo an nih chuan, an buh zêmah an zuang lêt a, zu leh sa leina tûr chu an teh chhuahsak zêl bawk. Keini chuan, hmêlhriat sa Saitual lal Dorâwta kan thleng a; Lal thleng narân ang chauh kan ni a; kan sênsô zawng pawh Rs. 2/- vêl chauh a ni ang e, inpâwl ngeib ɬhîn kan ni a, inzahtawnna vâng a ni ngei ang; âr talh chauh-

ah kan tlâk a ni. Sikula kan inkhâwm laiin, Vânpunga naute chu an lo lüt thut mai a; tlar hnuhnung ber ałangin an han vaw ḥan ta a. Pu Vânzika (K.M. High School Headmaster Pu Lalthankima pa) pawh chu an han hêm zawt mai a; ani chuan, "Hei, kan bei ve mai dâwn lâwm ni?" a'n ti a; mahse, a bula miten an kuai ḥhu ta a ni. Kei chu (Ztu Vai-khâwla), a hma lama ḥhu ka ni a; min thlen ve hma-in, min bânsan ta a ni; vuak ka tuar ve ta lo.

(2) Changzawl kai kum a ni a. Kristian awmna chhûnpte khawtha! kai an phal ve lo a; lo lamah leh khaw hiui lamah kan awm ta hlawm a ni. Zâna ruah a sôr tluk tluk lai hi an hnawhchhuah hun duh-thusâm a ni. (Thu belh—Shillong Governor Driver, Pu Kâpkima nu hian Vâkvêli tih hming a pu hlen ta a ni. A pa leh a nu, Khamêka leh Kâpkungi hi, hetianga hnawh chhuah an nih lai a, an vah vélnaah thlâmah hrin a nih vâng a ni. Khamêka hi kan khaw pasalha, sa kâp thei, thih thlenga, lal khâwn-bâwl upa a ni. Hetiang hian. 1906 buhseng thleng-in an awm hlawm a ni.)

(3) Tin, Vânpunga unaute khân an theih tâwpin an vau. An vau zâm theih lohte chu, an buhzêmah an zuang lüt a, an duh tâwk, zu lei nân, an chhuhsak a; vawk sôm 4 leh 5 ang te chu an talhsak a; an ei zawhsak vek bawk.

(4) Tin, an vau bântir theihte hnênah chuan, "Pathian thu kan âwih leh chuan, silai kân chawi ang" tiin thu an intiam kamtir zéi bawk. An vau zâm theih lohte chu sâwm chauh kân awm a ni.

20 ZORAM KRISTIAN HMASA TIHDUHDAHNA

Chung mite chu : Lalliauva, Vaikhawia, Saijhuama, Laltawna, Chalbuanga, Z. Kuaria, Thangkhama, Pastor Thangchhingpua (Taitea), Tuaha, Thatliana.

(5) Sawi sén a ni lo a, "Chutih laia, Mizo pa finna leh thiamna an hriat zawng zawng an hmang vek." tih hian a huap kim ber ang e. Sápte pawh an hual a, BAWH HLA an chham khum (He sáp hi tunga a nih a sawi lo a, pâwlilaka, thil tifel túra Zosaphluia lo kal kha ni awm tak a ni). Sawrkár awm lo ní sela chuan, Mission sápte pawh an rawt chimit vek ang. (Belh— He tihdudahna hi a hluar fê ni ngei túr a ni. Pu Sapupa Rev. Frederic William Savidge) chuan, Serkawna a Banglaa he tihdudahna chanchin a lo hria chu, a thinrim nasa hlc mai le. "Engatiinge, British Empire chhungah, chutiang a awm theib; Bawrh-sápin a khap lo maw? Ka kal ang," a ti a; a insiam vek a; a chhuah hma zanah chuan, Bawrh-sápin a khap ta tih a hria a; a kal ta lo a ni. He thu hi Pastor Chuautera kâ aitanga dawn a ni — Ziaktu).

(6) Kei chu Aizawl thiengin min hnawt chhuak a. Khawchhiar ka ni a, 'ka report a tla'i ta a, C.I. (Circle Interpreter) chuan kan lal a vau ta a; tichuan min zuk hruai leh ta a, mite mit tikham tingin ka awm ve leh ta a ni. Mahse vawk leh ar nén lo lamah kan awm a; ka chhungte chu an mangang hlc mai. Dorawta khua, Darchhuna'n pêm an rawt ta ngawt mai, "Ani bian kristian a dodai ve lo," tium. (Pu Dorawta hi, lalho khawma an thien a nih kha. 'Kha tihdudahna khap a riku a khawih a;

1910-ah kristian a lo ni ta a; 1913-ah kristian chauh awmna atân, Saitual hi a din ta a ni; 1910-ah hian Pu Sâphluian a baptist ta; Kristian Tlângau, 1958 a mi en teh). Kei chuan, "Lo zuk kal hmasa ula, kei chu, hetah laichînté inah, kan tuar chhuak phawt ang e, ka ti a. "Nangmah hî pêm bopui kan tum che alâwm; chutia nang berin i duh loh chuan, keini kal chu engnge sâwt ang," an ti ve thung. Pêm chu an ɬuhl ta a ni

(7) Zawlôka mi 30 baptismal change kha an zîngah chuan, mi 10 chiahin zâm lovîn an tuar chhuak (Robâwmah chuan an hmîng pawh ziak vek a ni). Mi dang sawmhnihte kha chu an pha bo deuh a; mahse, engakimah kristian ang chiahin an khawsa zêl a; an zînga 15 phei chu pâwl tlâkin, Ztu. Hrânga hovin inkhâwmna an nei tan leh ta.

Chung mite chu : Dolana (Rev. Za'rema pa), Vânzika (Upa Lalthankima pa), Chhuna, Laihrânga, Zingruma, Chalêka, Khamêka, Bâwihpâwnga, Hmai-hânga, Lalrehlova, Daia, Zokunga (leh mi dang pa-hnih — Ed).

Tihduhdabna a tawp tam ta:

Pâwl tlâk chuan, Aizâwl Bawrhsâp a rawn inrawlh ta (Bawrhsâp a inrawlh duh lawk lohna hi, a khua a tlawh tûmin. Vâmphunga hian, a tihlâwm êm êm vâng a ni e, an ti a, a dik a rinawm a. Zosâpin an nawr avânga inrawlh ta chauh ni âwm tak a ni— Ziaktu). "Kristante chu, hmun khatah a hovin i awm hrantir tûr a ni," tiin THUPEK a chhuak ta a ni Mahse, Vâmphunga fin kheuhbeuh chuan, hmun

remchâng fu, tu; awm hauh lohna, an ruat ta a nih chu. Heng vângte hi a ni ngei ang a, Sâphluia pawh a zin chho nghâl ta vat mai (Hemi ɿum hi BAWH HLA chhama an huâl ɿum chu ni âwm tak a ni—Ziaktu). Hetiang hian thu a rawn tisel ta a ni.

1) An awm hranna tûr chu, Sâphluian a zawnpui a, hmun remchâng tak, KAWNPUI-ah dah khâwm tûr an ni ta.

2) An zaa kristian ni vek, chhûngkua zawng chu, hetah hian aa awm khâwm ang. An hotu chu SAITHUAMA, lal mâtka a ni (Ani hi, Vau zâm zâw hloh sâwm zinga pakhat a ni. Kum 83 mi niun Khawruhlianah a boral ta).

3) Chhûngkhata ringtu pahnih khat, tiangvâl emaw, etc, awmna chu khawpuish an awm ang a, an chhûngte hnênah. Kâwnpui awm hrannaah hian (1907 kum hian) Biak In kan sa nghâl a, Zoram Biak In hmasa ber a ni (zokhawsângah hian 1907 kum hian Biak In sak a ni bawk a, hmasa ber nih an hauh ve ngei ang— Ziaktu):

(Vânphunga fin kheuhbeuhin a ruat hmun kha, tuikhur tûr a awm leh awm loh enfiah tûra Sâphluia, hñim pik kâra a'n Mû tiang vêl chu, zopain kan khan lo ngei mai e, an ti; a pût tiang zung zung mai a; sáp ngaihsân phah nén an hmang. Zâna lal sumhmuna leh leh a khâwnbâwl upate nén an thukhâwm chu. Sâphluia pawh a ɿawng na ble an ti. "He khaw lal hi, Vânphunga a ni a, a thu angin, thil a kal tûr a ni ang," an han-ti a; ani chuan, "Lai dang tumab

ka hre lo; lal ber EDWARD-A chauh ka hria, a dang an awm ka hre lo rēng rēng," a tih khum nghek nghek mai a. Vānphunga pawh a vau hle. Evangelist Pu Robuanga kaa hriat dān phei chu hei hi a ni, 'Bawh hla chhama an hual chungchāng a chhānna chu, amah Sāphluia chu an khawih vāih chuan Vānphunga lalna pawh a bāng nghâl ang; thinrim takin a ti a ni e.' a ti--- Ziaktu).

Thu belh:

Pu Sāphluia, Aizâwl a thlen thlâk leh hnuin, Kristian Hlabu No. 16-na (1951 Fdition) hi a phuah ta a ni. Châng khatnaa, tlar hnuhnâng ber hmaa mi, 'Kan khawvâl' tih hi, 'Ka khawvâl' tih a ni. Pu Sāphluia hi a intineitu êm êm a; hetih lai hi chuan, amah chauh hi, Aizâwlah missionary awm a ni; Sâpthara lo kîr leh lo tûrin a hâwng ta si a. Tin, châng 3-naa. 'Nangma ramah,' tih pawh hi, 'Keima ramah' tih a ni bawk. Châng 4-naa, 'Chanchin Tha leh Tirhkontakte Thiltih,'—1906 lai hian, an Bible chu, hêngte chauh hi an la ni rih.

Jerusalema tihduhdahna kba a ang:

1907 hian ka dam thei lo hle mai, mahni in sa zo va, kan chhûnga kan han awm khâwm hnu rei lo-teah chuan; mumang mak tak ka nci leh ta a; hei hi—kan lal mual chungah hian, darthlalang mûm, mautlawn sei tak ang, killi neiin, kil (angle) dik tak-in, a lo inzam a, dotu a awm lo a, khaitu pawh a awm lo; ban phâk loah a kângin a awm a ni. Mi pakhat hian, 'Hemi huap chhûngah hian, rilru hmun khatin an awm ang a. nakinah ram hrang hrangah

24 ZORAM KRISTIAN HMASA TIHDUHDAHNA

an darh vek ang,' a lo ti a. Kâwnpuia Saīhuama hoa awmte kha, kum thum hnuah chuan an pêm darh vek a; an pêmna apiangah Kohhran thar dintu an ni ta zêl; Jerusalema ringharte tihduhdahna a awm a, an darhna apianga, kohhran an din thar ta zêl ang kha an ni ta chiah mai. Pathian thil rôl dân hi a mak teh e,' (Kâwnpuiah hian in 30 vêl an awm âwm e.)

Thubelh:

Changzâwla awmhmun kan khuar nghch hnu thâl laiin, nikhat chu, kan lal Vânpbunga chuan ka u Khawzathanga hnênah (anni pahnih chanchin tlêm hi a tâwp lamah sawi a ni ang), "Kan ding leh vei in ni a, Vaikhâwlan, Pathian thu ka âwihi e, te a'n ti vei a; hetiang a nih chuan kan inthen hun a thleng thuai ang le," a ti a. Khawzathanga thinrim haw ta chuan, Vaikhâwla (tlangvâl a ni tawh a) Kawmchâr tukverh bula, a lu lo khuiha thu chu a va ching ta lâp lâp mai a, "Khawnge ka chemtê kha, kan vit teh ang," a ti a. A nupui Tlänghauhi khân, chemte chu a lo thukru hman a, Vaikhawla hnênah chuan, "Kawmchârah khân zuang thla mai rawh," a ti a; chemtê a zawn chhûng chuan a zuang thla ta a. A hnu daih, Pathian thusawia a zin vêl laiin, Pastor Thianga (Haflong) khân, "Kha chemtê kha hmu la i chiu ngam tak tak ang em? tiin ka zâwt a, ani chuan, 'Ka hre lo le: Vânpbunga thu kha Pathian thu angin kan ngai a nih kha maw le; sakei kâ pawh zen rawh, ti se kan zen mai âwm asin maw le,' tiin min chhâng e," a ti.

ZORAM KRISTIAN HMASA TIHDUHDAHNA

BUNG III NA



Mission hnuiah leh Pathian rawngbawlna

Zirna iem :

1908 March thlaah chuan, Aizawl Primary exam türin ka kal ta a; exam kan zawk chuan, Dr. Fraser-a châwmah ka lût ve ta nghâl a. Lehkha zir chungin, Pathian thu sawin kan zin darh bawk chin. 1910-a, Upper Primary ka pass hnu chuan, ka pu Dr. Fraser chuan khawthlanga Thilthekah min tîr a; min tîrhna chhan chu hetiang bi a ni--Bawrhsap, H.W.G. Cole nêna bâwih chungchânga an inkhînna thuah khân, Shillongah Commissioner hnênah kal a tûl ta a. Lal bâwih a lei chhuah hmasak ber Pastor Hranga kha hruai a duh a ni. Chutih lai chuan Hranga chu Thilthek khuaah zirtirtu a ni; Shillonga a hruai hlâna lo thlaktu tûr a zawng a, a hmu zo ta lo va; kei min han zawk ve chuan, 'Kal peih e.' tiin ka chhâng a; tichuan ka kal ta a ni. Kum khat ka zuk awm; kan nu nite nu Chalkungi te in chu awmna atân, Hrangan min kawhhmu a ni. Ka dam theih loh em avângin ka chhuak lui a ni ber e. Aizawl ka lo thlen leh chuan, Bible zirnaah ka tel ve leh ta a; kum khat vél kan awm tihin, Dr. Fraser-a chu, nasa taka a dam loh avângin, Sâpramah hawn a tûl ta a; min hâwnsan ta a ni. Lo neia châwmho zingah ka tel zel a. March 1913-ah chuan Saphluian, Vânbawngah, Vânpbunga khuaah, zirtirtu atân min chhuah tîr ta a ni.

26 ZORAM KRISTIAN HMASA TIHDUHDAHNA

MARCH 1908 LEH JUNE 1919 INKAR

Chhangte lam :

Aizâwla ka awm chhûng zawng chuan, ka chhûngte Pathian thu la awih lo chu ka vei êm êm mai hin a; mu thei lova ka vei zân a tam mai; zan tinin an tân ka awngtai hin. 1910-bul lamah chuan, Dr. Fraser-a hnênah kan khuaa han hâwn ka dîl ta chawt mai a. Ka dilna chhan chu hei hi a ni: Tûk khat chu, Aizâwl chhak lam Tuivawl, iauchhûm tlim hmur chu hremhmunah ka chan ta a; tah chuan ka u-te chhûng chu hrehawm taka tâl buai hle hian ka hmu ta tlat mai a. Ka awm hle hle thei lo chu, hâwn zawk ka dîl ta ngawt mai a ni. Dr. Fraser-a chuan a lo remti khawp a, ka hâwng ta a. Lalpa anpuinain ka hlawhtling ta; ka ritru a zâng huai ta mai a; hlim takin, Aizâwlah ka kîr leh ta. Ka pu, Dr. Fraser-a kan hrilh chu mi lâwmpui ve teh a-sin aw.

Ka u Khawzathanga chu zû a heh êm avângin, 'ZULEMRANGA' tih a ni hin. A ngawr an ta a, 1908 hian Aizâwlah ka hruai a, damin a chhuak thei a, doctor chuan. 'Zû in tawh rêng rêng suh,' a ti a; mahse, a insûm thei lo va, a in leh ta a. Changzâwlah hian a indang a; Zâwnginah pêm a tum a; zan khat chu a inah ka va lêng a. "Pathian thuawih awm lohnaah i pêm dâwn a ni a, i thlarau a bo hlen ang tih ka hlau êm a, ka lo kal a ni e; i awngtai ang aw," ka ti a. Ka awngtai zâwh chuan, "Pathian chu khawiah pawh a awm a; Lalzikan buh min khawnsak dâwn a; kum khat chu ka la awih lo

rih ang a; âwihpui tûrte ka sâwm ang a; a kum lehah chuan ka rawn awih ve ang e," a ti a. 1910 kum tâwp lamah a âwihi ta a. Kei chu, khawtlâng Thiltsek khuaah, zirtirtuah ka awm a. "I u-ten Pathian thu an âwihi ve ta," tia min hrilhna ka hmu chu, ka läwm teh asin âw, ka hmuh apiang ka hrilh mai. Biak In an sa a, an lal Lalzikan a hälsak a, 1911 chhüng chu an tuar hrâm hrâm a; mahse, 1912-ah chuan, Durtlângah awm tûrin ka han hruai a. Durtlângah an awm ta a.

Rawngbawlna lam :

A hova zin pâwla ka tel vena pakhatah chuan kan fang zau hle mai. Hetih lai hian "Fang rual pawl" intia a huhovin an zin thin. Kan khaw tlawh lâr deuh deuh chauh sawi ni mai rawh se—Aizâwl ațangin, khawchhak lam panin kan chhuak a; khaw thahnem fe kan tlawh hnu chuan, kan khua Changzâwlah kan lût a. Khawchhak lam kan pan zêl a, Hrangkima khua. Hmâwngzâwl kan lût a. He khua ațang hian, Champhai lam panin kan kal zêl a; Hmunhmélthaah kan lût hmasa ber. Champhai ațang chuan, Kêlkâng-ah tin, Khuanglêngah kan kal zêl. Kairûma khua Biatê kan tleng a. Heta țang hian Khawhaiah. Zuchhipah, Maitêah. Hualtuah kan lo chhuk leh; heta țang hian, Aizâwl kan pan ding ta. Zing leh tlaiah, luhkapuiah te leh tuallalahte. Pathian thu kan tlâng-au pui, ring lote dinhmun hlauhawmzia te ring ve tûra sâwmna te; ramhuai hlauh, inthawi, etc. bânsanna kawng tlângapui te hi kan thupui a ni ber. Zânah ringtute nêna (an awm chuan) inkhâwmho leh inpwâlna neih a ni.

28 ZORAM KRISTIAN HMASA TIHDUHDAHNA

1909-ah chuan ka hlim hle mai a; kan zin chhuak leh ta. Pali kan ni; ka ɿhante chu kan khaw mi hîr an ni: Tuaha, Laiawrha leh Sêname hi ka ɿhante chu an ni. Pâwih ram (Chin Hills)-a Chanchin Tha hril kan tum ber a ni; chuvâng chuan a ding thei ang berin kan pan. Zoram leh Pâwih ram kan tlawhte chu sawi kim chi pawh a ni lo a; Pâwih ramah hian khaw sawmthum (30) kan tlawh; chung zingah chuan, an khawpui Falâm (Farthawk) leh Halka (Haka) kan tlawh tel. Halkaah hian, Mission hmunah ni thum (3) kan châm. Hlim êm êmin, kan hâwng leh ta.

(Thubelh- chhim lama an zin hi, a lehkhabu Robâwmah a ziak ve lo; a theihnghilh a ni ngei ang e, 1943-a a ziak vek an ni a, hriat kîm a haraa viau ang. Mahse, hei hí sikul chawlh laia kan hawn-in, Pu Buchhâwna chanchin ka sawi laia mi hrilh a ni. "Pathian thu hrila, Chhim lama kan kal ɿumin, Sethlun kâwn kan thleng a, Buchhâwna pa Thankungan kan ke min silsak" a ti, 1908- emaw, 1909 emaw kum bul emaw a ni ang; 1909-ah Theiriat-ah an kai a ni si a.—A bu ziaktu).

April 1913-ah chuan Hlimna ɿumhnihna a lo thleng leh ta a. Pathian lo kal a hnai a rinnain kan hlim êm êm a ni. Thianga (Haflong-a awm ta), tieirâwi âwrh chu, a hlim thar êm êm a; ka zawng chhuak a, tûn thlengin unauah kan inchhar phah ta a. Chuti taka kan hlim avâng chuan, zin chhuah a lo ɿoi leh ta. Thian pathum kan intiamruai a, ka ɿhante chu, Thang Upaa (Khawthlang kohhran kantu)

leh Thianga (Haflong Pastor) an ni. Khawthlang Pastor Phawka bial kan fang ta daih mai, Zâmpui tiâng dung kan fang a, lal Hrângvunga khua te kan tlawh. Hlim êm êmin mahni hmun ɬeuh kan pan leh ta. Hei hi, Pathian thu hrila rawng ka bâwlina hnuhnung ber a ni ta. Hmun ɬuin, zirtirna lam ka thawk ta a. Hetia zirtir paha kohhran enkawl hi a awlai lo hle a.

Vânbawngah

Thubelh ang deuh a ni. Kristian nih avânga mi hrem ɬinna khuaah zirtiru ka ni ta tlat. Pathian min hman dân hi a mak a. ngaihruat lâwk tæih pawh a ni lo e. Lal VÂNPHUNGA chu, mi thar a lo ni tawh; kristian a taina rilru a bo vek. Zirtirna hi kan hna duh zâwng tak a ni ɬin a; khawthlang, Thilthekah, kum khat ka thawk tawh a, VÂNBAWNGA ka ɬang tûr chu ka phûr hle: chu bâkah, a bul kan ɬanna khua ogeiah Kohhran dîn ka chhunzawm leh dâwn a ni ta. VÂNBAWNGAH chuan, Kristian pasarih chiah an awm; ka hriat hnu tawh vek an ni. October 1913-ah Chalkungi chu ka zu hruai ta a, ka ɬhian Doliana (Rev. Zairema pa) nêñ, Tin, kum khat hnuah chuan, ka u te pahnih ka hruai a; kan awmkhâwm leh ta dial dial mai (Ka ni Lalchawni hi fanu pakhat neijin pasal a sún a, a lo kir leh a si; anî hnêñ atangin, thu tam tak dawn a ni Ziaktu). Ka u Lalthâwma chuan March 1916-ah, min boralsan ta mai a. Lalpa laka vui mai a awl hle e. A hnênah a dam leh nân ka dil nasat êm vâng a ni.

30 ZORAM KRISTIAN HMABA TIHDUHDAHNA

Kohhran lam

Kohhran dinah hian harsatna nasa tak a awm lêm lo; Vânphunga lah chu lama ṭang a ni ta si a; tûn, a khua tam berte chu, Khandaih Harhna hmu tawh an ni bawk. Ka hmaa sut âwng tûr lian tak pakhat chu, pi pu puithuna âtthlâk ramhuai hnathawhnia an rin te sut bosak a ni. Hemiah hian Dr. Fraser hnêna kum li lai ka lo awm khân min ṭanpui nasa êm êm; kristian kan pung zêl; 1919 Harhna a lo thlen phei kha chuan, sikul-ah kan riak chu kan leng lo a ni ta. Hetih lai sikul hî in lian tâwk tak a ni, zirlai riahnate siam a nih avângin kan riak a ni. "He lam panga ka hlawhtlinna tlêm chauh sawi ila.

- 1) Vêng leh lam, Paihte vêng hi in 40 vêl an ni a, vêng hran neiin an awm khâwm ñhin a ni. An vêng bulah, naupang pakhat a thi a. Zan thum lai an tlaivâr pui tawh; kan phûm nî chuan khua a lum hle mai a; phûm tuma a ruang an han buatsaih dâwn hnaih chuan, an pa chu pawn thlifim va dawng lawk tûra a chhuak chu, leikâah chuan a tu ta a. a meng pual a, a chilte a tia bawrh bawrh a; khawih ngam rêng an awm lo va, an en ñhup mai. Kei chu inchhûng aṭangin ka tlân chhuak a, tuiûm nêñ, a lûah chuan ka leih bawrh bawrh a, rei vak loah chuan, a ñhu ta hlawl mai a. "E, pawn ni lum ka thleng chauh tih khân ka hai mup a, engmah ka hre ta lo mai a ni," a ti a. Kei chuan, "I lu a lum lutuk a ni e; engmah i ti lo ang," ka ti a. Khawhring nia at ngaiñ avângin an khawih ngam lo a ni. Kristian awm vete chuan, "Ramhuat a awm lo ve tiñ kan

sawi tam vei nêñ, mita khatiang han hmuh meuh chuan rin dän hlui khân kan rilru a lo la vuan nghet hle tih a rawn tilang chiang ngawt mai a," an ti a-lâwm. He thil hi ramhuai awm loh kan zirtirna lama ka blawhtlin êm êmna a lo ni ta.

Mi tiphûra mi tilâwm fotu pakhat chu hei hi a ni. Bakthova hian a mumanga mi hmuh dän mi hrilh chu a ni. A mumanga mi hmuh dän chu heti hian a sawi:— "Zan khat chu mumang ka nei a. Ka mumangah chuan hmun zau tâwk fêah hian mi tam tak mai, na tuar hi an lo mu phung mai a, athen te phei chu an tâl tawp tawp mai a. Chûng na tak tuarte ka en reng lai chuan nang hi i lo kal a, an zaa an hriat ngei tûr hian Pathian thu i lo sawi lauh lauh mai a. Chutia thu i sawi hnu rei lo têah chuan an lo tho ta sung sung mai a," tiin mi hrilh a. He thu hi Vânbâwng Kohhran ka dinnaa ka rawngbâwl-na mi tichaktu pakhat, ka rilrua mit thei lo chu a ni.

Rambusi blaubna a bo tam

(Hêng pañnihte hi, keimahin a sawi ka hriatte an ni— Ziaktu): An thawven sâwtzia tilangtu an ni. Indopui I-na laia mite an ni.

- 1) **Khelbhuna:** Ani hi ringtu hmasa, pasarih zînga mi, Kohhran Upa hmasa ber a ni; heti hian a sawi, "Ngaw pik fêah hian in sakna tûr, thilte hrui ka zawng a, þahnem fe ka la tawh tih hian, tap ri ka hre ta tlat mai a; kan ngaithla vang vang a. 'E, hei ngei hi ramhuai an tih chu a nih hi, ka ti a, ka blau êm êm a; kut ruaka hâwn ka tum ta mai a. Thui vak lo ka kal chuan, 'Ramhuai a awm lo' kan tih fo

kha maw le; ka ensiah ngat ang, ka ti a. Tap ri lamah khān zawi tēin ka kal a. Thing bul zāwlah hian Hauhūkin, nau a lo vei hi a lo ni a, nā a ti hle mai; a nat lai tak chuan, a lo bekbawrhleisial ngat ngat ḥin hi a lo ni reng mai a. Haw ta mai ilā, ramhuai chiahah ka ngai ang a. mite pawhin an ngai bawk ang.

Kochhingga sawi ve

Ani hi 1915-a Primary pass hmasa ber pasarihte zinga tel a ni a. Kohhran Upa thlan vawihnihoaa thlan tlin a ni. Kohhran Thalai Zaipāwl kilkawitu a ni: heti hian a ti, "Khumbleu-a tah tür, Sairil ka la a, Sairil bawnpui hmuna ka la malh malh lai chu 'Awm awm suh,' mi rawn ti ta mai a. Ramhuai ni ngeia ka ngaih avāngin ka hlau ta êm êm mai a, ka hāwng ding ta mai a; mahse, thui vak lo ka kal chuan, 'ramhuai a awm lo,' kan tih tak kha maw le ka ti rilru a, ka kir leh ta a. 'Awm awm suh' tih-na laiah khān, thāwm dīm êm êmin sairil buk chu ka meh ka meh ta a. A buk pik lai takah chuan chhimbuk lianpui fu vung mai chu ka hmu ta a. A hrām kha ka hre sual mai a lo ni tih ka hre ta a.

Kohhran kal zel

Pi pu ngaih dān âtthiak tak kha hnchin a awm tial tial a; kohhran a pung zēl bawk. 1921-ah te chuan, Kohhran zaipāwl ḥa tak din a ni. Hemi kum sawvāng Biak In, mi 400 zet lenna (a chhūngā jhutthlēng thlür thum awm) an han sa chu, an phūr ngei mai le. Tən hma zawng kha chuan, sikul leh Biak In istāwm an ni ḥin. Kohhran Harhna tum thum

na tawp lam fawnin min rawn chim leh chuan (1923) tlangvâl pathum leh upaho chauh zuah an ni ta. Paihte lam pawh thahnem tak an tel ta, 1924-ah chuan mitdel LAMA chuan, "Nangni zawng Kohhran poi in ni a, in zir tur HLAPUI ka buatsaih ang e. Thupuan 8:1, 'Dâr chanve lai van a reh thuap a,' tih hi ka châng thlan a ni ang," tiin, **MITDEL HLA-PUI (LAMA HLA)** tih tâk hi a phuah a ni. Ziak chhuahsaktu, Pastor Sânga, Lêngpui a ni. He hlapui sak chhuah hmasak berna chu, sawvâng SAITUAL inkhâwmpuiah a ni (1925).

Dârpui Pastor Thanga kha, Cherra Theological College zirna 1922-ah a zo a, 1923 June 1926 tleng-in, ama khuaah ngei hian Tirhkoha dah a ni. Kohhranin kan changkân phah hle mai.

Thil thar ngaihtuah chhuah

Pastor Thangan Tirhkoh hna a thawh chhûngin hêngte hi tihchhuah a ni (ziaktu hian a beng ngeiin a hre ve, kan in hi rawtna a nih avângin). (1) Pulpit rawngbâwlna, sermon buatsaih dân zirtirna (Pulpita chêt dân, kut vai dântc) inzirtirna class an siam; tlangvâl thahnem takin an bei thîn; chûngte chu a hnuah Kohhran Upa an ni ta rêng. (2) Kohhran hruiatu leh thalaite, khawvâl chanchin hriatna tlâng-pui an neih a, kohhran hruiinaah tanpuitu nih bei-seiin thawhlehni zânah zirna an nei thîn. Assam ram chanchin, Pu Pasena ziak, Zosâphluia endik, tih kha bu sâwm kohhranin a lei a; hemi bu chhuah hmaa Zosâphluia siam an lei bawk. Indopui 1-naa France ram kalte an tel hlawm; nuam an ti hle thîn; an khawvâl thîr dân a tizau hle mai. (3) Siak

34 ZORAM KRISTIAN HMASA TIHDUHDAHNA

tlâng chhak lam Paihte khuaah Kohhran a ding thei lo va, chu chu an vei dûn a, 'Anmahni mi, an ɏawnga zirtir thei, zirtirtu awm se, a kawng ɏha ber a ni ang.' tiin Pu Dia (Rev. F.J. Sandy) hnênah an rawtna chu an thlen ta a. Pu Dia bengverh zâwng tak a lo ni. "Chutiang mi chu in hmu ang em?" a ti a. Anni chuan "Kan khuaah pawh pahnih primary pass an awm," an ti a. Pu Dia chuan, "In khua in thlen veleh tîr nghâl rawh u," a ti a. VUMTHANGA (Pi Biak-nângi Pa, Dâwrpuia Putea in bula awm) 1915-a Primary pass, tîrh a ni. Pu Dia pawh a lâwm hle ni tûr a ni, zirtirtu puitling (M.E. pass) hlawh, thla tin Rs 10/- a pe nghâl.

Khingah khian Pathian malsâwmna avângin an hlawhtling hle tih lanna te: (1) Pu Khamtuala, Shillong, Lady Keane College Lecturer Pu Zâra pa chuan heti hian a ti, "Kan khua, Selam khuaah chuan kohhran a ding tak tak thei lo a; Harhna thlen laiin kan han ti laih thîn a, mahse kan chuai leh mai thîn. Zirtirtu ng Het (Vumthanga) kan han nei a, kohhran a ding ng Het nghâl mai; kan khaw bul Teikhang leh Mîmbungah pawh," a ti. Tin, Indopui II-na hma khân, Vânbâwng bialah, Sande Sikul ekzam lâwmman a lüt tam ber thîn a, a tam ber chu, Vânbâwng khuaah a ti. Missionary-te pawhin an duhsak hle thîn; Pastor Thatiga hnuah, Pastor Nikhama, Cherraa ohhuak bawk, Tirhkokin a lo awm leh bawk.

Pathian hruaina nia briatte

Dârthielang (glass) no leh glâss mâm thu kha oha eewi a nih tawh kha. 1909 hiin Zokhawsang ɏakhatwm, hlinnaah ka inhmuflah êm êm a, 'tuai'

tluk chauhah ka inngai. 1915 hian, Biaklêta (kum hnih pawh la tling lo) a na hle mai a, ka ḥawngtai laiin, puitling lovin a thi lo ang tih ka hre nghâl. 1913 hian thâl laia Harhnaah khân, Thakthsing Biak Inah, Marka buin, 'In thinlung tihkhauhin a awm em ni?' a tih hi, keima lam belin ka sawi a. Ka ḥawng-laiin kros âwn, a chunga mihring, vun pawh pu lo, sahrang zai thar anga lâr sur, inkhai betin ka hmu.

1920 hian mut hlim hian aw sîn tê hian, 'Khawng i Lalpa,' min ti a. 'Thingah an khai kâng,' tiin ka chhâng a. Chumi zân chuan, 'Lalpa, nangma aw a nih chuan hriatna min pe leh la, i duh ang apiang,' tiin vawi thum ka dil a, engmah ka hmu ta lo. A zân lehah chuan vawi thum bawk ka ḥawngtai leh a. Ka mumangah chuan, ka in ropui tak min entir ta. In chhawng sâng, a kalna (a lâwn chhohna) fasuar rel ang hian, glass tlawn hlîrin an lo siam a; tual hungna kaiṭen chu, marble ni âwm takin ka hmu a, ka hniak tehsa ang mai a lo awm bawk (Ziaktuin a hriatpui).

1922 hian Tlanthanga, nausên a na hle mai a, thi hlawk te a nei' thîn. Ka ḥawngtina tâwpna berah chuan, "Lalpa, he nausên chungah hian ka dil tâwpna che a ni e, ka dil leh tawh hauh lo ang che" ka ti a. Mahse, thi meuh lo dam meuh lovin a awm ta reng a, "Lalpa, ka thutiam kha ka bawhchhe leh e, mi ngaidam rawh," tiin ka ḥawngtai leh ta a. Ka rîruah chuan, "Mei vâma ur tûr," tih a lo chhuak. Zankhuain kan ur ta a. Mei vâm luma inur dam theih a ni tih kan hriat ḥanna a ni ta.

36 ZORAM KRISTIAN HMASA TIHDUHDAHNA

1924—Lal Isua tuarna ka hmangaih ngai lo va. Hemi kumah hian ka hlim a; ka hmu fuh ta a. A lu leh kut chu, thi thlep hnûpin ka hre ta a, han deha thle tawn buk bukin. 1924—40 Hemi inkâr, kum 16 zet chu, tharna lêm chuang nei lovin a hlui ringin ka khawsa ta reng mai a; lâwmna thûk bîk sawi tûr a awm lo. 1938 kumah erawh chuan Bible chung lamah hian, boruakah hian min chhângtu, kan zawna chu a awm a; Bible hi a sôlhnu a ni tih sa pêltu nêna tekhinna ka hmu chhuak a, ka thar phah leh ta deuh; mahse, hriatna dang a ni chuang lo.

1941—42— Indopui II-na avângin ṭawngtai thlahdah theih a ni ta lo. Japanin Singapore an lâk (Feb. ni 15, 1942) khân Rosiama chu man tel a ni ta, Japan kutah chin hriat lohvin a awm ta a; a chanchin hriat theih a ni ta rêng rêng lo a. (June 1945—ah chuan Dr. Saitâwna, Burma aṭangin a lo chhuak a; ani hian Rosiama leh a thiante an dam thu a rawn sawi a; chu chu an chanchin hriat hmasakna ber a ni ta. Chanchin ka hriat zân chuan ka mu lo a, Biak Inah ka ṭawngtainaah chuan, a thi lo tih Pathianin min hrilh. A tûk Chawlhni chhâna ka thusawinaah chuan, pulpitah, ka thlamuan thu ka tlângaupeui nghâl ta a; ka aiin a, thi hmasa dâwn lo tih thlengin hriattûr ka ni (he thu hi ziaktu hian a hriatpui, lehkhaa hrilh a ni).

1943—Tar ka lo ni ḥan ve ta. Pathian hnênah a diltu nih fo mai chu tiin zah nachâng ka hre ḥan. Ka ṭawngtaiin tih tûr leh ka awmzia hriat fiahna ka nei a. **TIH CHU KOHHRANTE NGAINTUAH**

FEL A NI A: ka ṭawngtai lai taka rilrua min pēk a ni. 'Thil mûm' pakhat kha Pathianin min hriattirna a ni a; mahse chu chu hmang lovin, a hlui zāwka chu ka hmang fo a lo ni a. Puan thar thûla khung a, puan hlui sin fo ṭhin ang ka lo ni tih Pathianin min hrilhna a ni. Pathian min hrilh ka pawm ṭhin dān chu, ka ta ka dahna hnuaih, Pathian ta chu ka lo dah ṭhin a lo ni; Pathian hriattirna thil thar tha tak chu hre ṭhin mah ila, ka hmang lo va, ka ni tin nun dān leh ka rawngbâwl nân keima ta hlui bawk ka hmang ṭhin a; Pathian thil thar chu hmang si lovin, ngaih tīhatu maiah ka hmang a lo ni tih scia chhun angin ka hre ta. Puan thar leh kawr thar thûl khunga, a hlui hâk min tinuam ang lek hi ka lo ni, chu chu ka lum phahin ka mawi phah chuang lo.

BUNG IV--NA

Mimal chanchin

Chalkungi :

T.B. natnaa thi a ni; thla riat zet a tuar. Rosiama Doctor zir lo chawlhin, a natna hriat chian a ni a. Fimkhur tûra min hrilhte chu, ka lo tih sa an ni hlawm deuh vek; Dr. Fraser châwma ka lo awm kha ka chhawr a, tumah kai ve awm lovin kan insiam thei. A thih a lo hnaih chuan, arûkin, heti hian ka zâwt a, "I Lalpa tâwk tûrin i inpeih em?" ka ti a. Ani chuan heti hian min chhâng a. "Ka thil tih that avânga chhandam tûr ka ni hlei nêm; Pathian ngaihdamna avânga chhandam ka ni a; ka thlarau

chu ka ngaihtuah lo e; kei aia ngaihtuahtu a awm a-lawm; hmānah ka nunna chu A peih vek tawh ang chu; peihsaah ka lüt mai ang," a ti a. Ka ngaih a ṭhain ka thin a dam hle mai.

Kum 13 a nihin Kristian a ni, a chhāngten an hnial lêm lo. November 1910-a an zirtirtu Bâwih-hrânga (Pastor Hrânga) ka zuk thlák khân, an inah ka awm a. October 1913-a ka zuk neih khân kum 17 mi a ni. Rinna avânga Pathian Khawngaihnaa Chhandam ring mi a ni. Khawiah pawh, khaw tê leh khaw lian tak tak, Phüllén, Saitual Ich Durtlâng-ah te pawh, hmeichhe inkhâwmah thu an sawitl̄ zéi ṭhîn a, an fak der hle ṭhîn. Kan khuaah hmeichhe inkhâwm leh Sande Sikulah, hotua hman a ni; zahna leh zah lohna tûr tâwk a hria. Kan chhâng zîng a khual leh tual chhâwntu a ni; buh lei tûr zawngtu a ni fo bawk. Mual inkhâwmnaah Pathian thu a sawi ṭhîn.

Khawzathanga :

Pastor niin 1926 khân a rawng a bâwl̄ thin, a LALPA-in a hruai ta a. Kristian a nih hnain Zulemranga an ti ṭhîn. Amah hi chuan, 'Vampunga Keite,' a inti. A nau Vaikhawla ṭawngtaisakna leh a beihna chhângin LALPAN 1910-ah Amah ringtuah a siam ta a ni (Dec. thlaah). Durtlâng a pêm thu sawi a nih tawh kha. 1918-ah chuan H.K. Dohnûna'n Rêng ram, Zâmpui tlângä Pathian rawngbâwlho tûrin a sâwmna chu Pastor Dâla'n a lo hria, Zt. Vaikhawla hnênah, Senvawna a hnêna thawk zâwk tûra hrilh târam a ti a; Senvawn lamah a kal ta a ni. "Khati

tak khân zû i heh a, i sim hnu hian i châk leh thin em ?” tiin Pastor Thiangan (Haflong) a zâwt a. “Vawi khat chu hlo ka thlawh laiñ, chhûn ni sat lai takin ka châk êm êm a, thlâmah ka let halh halh a, ka ṭawngtai a, a reh ta a; chuta tang chuan ka châk leh ta ngai lo,” tiin a chhâng. Pastor pakhat chuan, “Ani kha zawng koh bik (special calling) a ni e,” a ti.

Tirhkoh a ni ta; Pathianni tlai khat chu mual inkhâwmnaah Pathian thu a sawi a. Senvawn lal chu a bulah a lo kal a. “Nang hi i ni maw Khawzathanga, kan hlauh êm êm thin kha. I va chhe bing beng e. Vai la lian lo chu ni se chuan, helai thingfâk hian kan vaw let tawp mai tur che a,” a ti a. Ani chuan, “Ka pu, ât lai thu chu i theihngihlh tawh ang u, hei, chhandamna Chanchin Tha kan sawi a nih hi; thu la ngaithla ve teh khai,” a ti a. Ani chuan vuak-thlûkah a vau ta reng mai a, thu pawh chu a sawi thei ta lo a. A tihbuai tâk êm avâng chuan a thin hui kha a lo thawk ta phat mai a, “E, ka pu, i duhna lai takah hian min han vaw teh; Vânphunga keitê, hniak khat pawh ka tawlh lo ang,” a ti ve ta a. Lal chu a kal ta thuai a.

Chak hmingthang Saizahâwla hi a thin, a kawp-pui ber a ni thin. Hmâr nêna indo lai khân, Ekkhetea hruai vein, an pathumin Senvawn bul, Saite khua an va bei a, an Zawlбuka silai tha ber ber pali an läksak. Tlawng dunga vai lian lo chho an kâp bawk, lawng pathum an kâp ruak a, sâp leh sipai bungrua an läksak bawk. Tin, ram chhuahna leh mau tawlhnaah an inkawp so bawk thin.

Vanphunga :

(Ziaktu hian a hmuh leh a hriat ngei a ziak a ni a) Kristian a nghaisak dān sawi a nih tawh kha. Vaikhawla, a khuaa zirtirtu a nih kha chuan mi dang-lam a ni tawh. Hēng pahnihte hian a tifiah tāwk ang. (1) Zawlbûk thlang lam hla vak loah, sikul (Biak Ina hman bawk) hi sak a ni. Vawikhat chu, an inkhāwm tibuai tûrin Zawlbûka tlangvâl ̑henkhat chu an bengchheng hle mai a, chu chu Vânphungan a lo hria a, tlangvâlte chu a inah a ko a, a hrâwk nek mai; tih leh ngam chi pawh a ni lo. (2) Kohbran hnênah Sechal a pe a (tûn laia Pathian chawimawina an tih ang hi a ni ang chu) Krismas lawm nân an hmang. A aiawhtu, Liankiaua hi 1919 Harhnaah khân a hlim nasa ve mai, tleirâwl a ni tawh.

Bawr rûnah te, France ramah te a khaw tlangvâl an kal ve, khaw khatah chuan a kal hnem pâwl tak an ni ang. Tin, Indopui II-naah khân sipaiah leh indona kawng hrangah ̑hahnem fe an inpe bawk. Hēng zawng zawngah hian mi rama va inphûm an awm lo. Lal leh vântlâng an lâwm, Pathian hnêna lâwmthu sawina tiin, an lal Liankiaua chuan 1945 kum tâwp lamah Se chalin ruai a theh ta hial rêng a ni.

BUNG V-NA

Malsawmna a dawng

Zirtirtu Vaikhawla'm

Lalpa malsâwmna a dawnzia hi, hêngte han a hrilhfiah tâwk awm hle mai e.

1) A fate, a lawk deuh deuhte—

Dr. Rosiama, L.M.P. (Hons), District Council Chairman hmasa ber.

Lahmuaka, Lunglei Govt. High School, Headmaster Pension.

Biaklêta, Maj. Subedar (Assam Regiment) pension.

Dr. Tlanthanga, L.M.P. (A pass kumin a boral).

T. Chawma, Agri. Inspector.

Dr. Rosiama, Dr. Tlanthanga leh Biaklêta techuan, he khawvel hi an chhuahsan lawh.

2) A kaibkrusina hnuaiyah (1913 atanga 1946 inkâr), hetiang hi mi an lo chhuak:

(a) Pastor pathum, Doctor pahnih, Zirtirtu sâwm. Bawrhsâp pisa babu.

(b) SIPAI LAM— J.C.O (Junior Commission Officer) panga an awm: an zingah, Hon. Captain pakhat, Maj. Subedar pahnih leh Subedar pahnih.

(c) 1915 atangin Primary exam tûr a tir chhuak jan a, 1930 thleng khân, chu ekzamnaah chuan. Merit Scholarship hmü phak, pasarih an awm.

Tan lai dinhmuun atanga chhut chuan, eagnah a ni lo a; maheq INDOPUI II-na hma kha chuan, mi-

te ngaihsân a tling. Japan râi lo len (1941) thleng khân, thingtlâng khua pakhat aṭangin, Matric pass pali awimma a awm lo va, Vânbâwngah chauh-an awm.

Zirtirtu Vaikhawla Pathian rioua

He sâp hla hian a hril chiang ber âwm e, Zoṭawngin a awm lo.

'A humble, lowly, contrite heart,
Believing, true and clean;
Which neither life nor death can part,
From HIM that dwell within,

—(Ziaktu).

October 1956-ah khawvél hi chhuahsanin a Lalpa hnênah sawn a ni ta a. Aizâwlah chuan, Makdonal Hill-a kan inah, mi hausa hmasa Pu Pachhûnga te nupa an lo tel tlat chu mak ka ti ngei mai!! (An nu, Pi Chawngi hi, thenawm hnaiah lo chuan a kal ngaiin ka hre lo, chuvâng chuan, a lo tel ve hi mak ka ti êm êmin ka lâwm teh asin). An hawn dâwn chuan, Pu Pachhûnga chu a ding a, "Khawnge thu tlêm kân sawi ang e. Zirtirtu Vaikhâwla hi Zoramah inhrial thiam ber a ni. Bawrhsâp fing ber Pu Parry sâp pawh a hnial dang dêr mai. 1926-a Vânbâwngâ a kalin Vaikhâwla a ko a, 'I fapain thingnawi a keuh ve tûr a ni, i hria em?' a ti a. Ani chuan, 'Uai, kâ pu, Zoram Bawrhsâp emaw i nih ka ti a, thingnawi fawm hotu i ni maw? Thingnawi keuh thu chu, fal leh upate leh tlangvâl pawhin an hriat-pui'ngai lo a, 'thingnawi fawm hotute kuta âwm a ni,' a ti a. Pu Parry sâp chu a dang der mai a ni," a ti a. Chutiang a nih chu ka lo hfe ngai haah lo.

A ângchhûnga seiliante zawng zawng hi ringtu nghet tak, zû pawh in lo, kohhran member nghet an ni vek. Tin, Vânbâwng hi hlimna turain Zoram buai thleng khân a chîm lo; chhandam nih inhriatna (assurance of Salvation) an uar hle mai. 1934 a ka chawlhin, Lamgina (a hnuah Upa a ni) chuan, "Hmuaka, chhandam i nih i *ihbre tawh em?*" mi ti chawt mai a; chutih lai chuan zawkna mak nîn ka hria a. Saichal inkhâwmpuia hlimna an chan leh an awm dân chu an duh lo hle mai a, a lo hawnin, khua an luh hmain, chutiang hlimna chu, Vânbâwng a lo thleng ve lo tûrin, tawngtaina an nei. Chhandam nih inhriatnain Phûlén a tihbuai laiin. Pu Mena zin vêlin a tlawh hlauh mai a. An huaina chu a man lawk lova, "Ka hriatsiah hma chu, ka châm ang," u ti a, a han man fuh chuan. "A, hei hi alawm Säparam atanga, kan rawn kalpui chu," a ti a. Iâwm tak-in a kalsan ta a ni.

Indopui I-naah khân, hnehtu nihna chu khawvêlin British Prime Minister Lloyd George-a bnenah a pe a nih kha. Indopui II-na a lo hnaih hle lai khân Lloyd George-a hming hi an sawi an sawi thîn a. Chuti taka mi hmingthang chu eng ang hmêl pu nge maw ni le? an ti huai huai a. Chutih lai Kristian Tlangau bu tâwp lamah chuan, "Lloyd George-a chu Zirtirtu Vaikhâwla ang hi a ni," tiin an ziak kher mai a. Hei hian Pu Vaikhâwla hi zoramah chuan a hming a thang ve tâwk hle a ni tihva tilang.



LEHKHABU A ZIAK TAWHTE:

1. Arithmetic (Pâwl VII aṭanga pâwl X zir) 1956-ah.
2. Zoram aṭanga lam chhinchhiahna 1980 ah
3. Pûm titi 1985-ah
4. Zoram - thim ata êngah (Script's a la nînî).

1777 STATE LIBRA

POW
Entered by
Assigned by
Location No

SYNOD PUBLICATION BOARD